



REPUBLIKA E SHQIPËRISË
AUTORITETI PORTUAL DURRËS

Data: 18.05.2023

PROCESVERBAL- Tipi i kontratës – e hapur e thjeshtuar - Shërbime

**PËR ARGUMENTIMIN DHE MIRATIMIN E SPECIFIKIMEVE TEKNIKE DHE
KRITEREVE PËR KUALIFIKIM**

OBJEKTI I PROCEDURËS: “*Cloud mail server*”

KODI PËRKATËS NË FJALORIN E PËRBASHKËT TË PROKURIMIT (CPV):

- **Sistem elektronik i inteligjencës 35721000-4**

VLERA E FONDIT LIMIT: 5.000.000 (pesë milion), lekë pa TVSH.

Në bazë të nenit 21, pika 2, të Ligjit nr.162/2020 “Për prokurimin publik”, nenit 2, pika 2/c dhe nenit 78, pika 2, të VKM nr. 285, datë 19.05.2021 “Për miratimin e rregullave të prokurimit publik”, autoriteti/enti kontraktor – Autoriteti Portual Durrës – ka hartuar procesverbalin për argumentimin dhe miratimin e specifikimeve teknike dhe kriterëve për kualifikim për procedurën e sipërcituar, me përmbajtjen si më poshtë:

1.Kapaciteti ekonomik dhe financiar :

1.1 Për të provuar kapacitetet financiare dhe ekonomike, operatorët ekonomikë duhet të paraqesin vërtetim për xhiron vjetore të realizuar për tre viteve e fundit financiare (2020-2021-2022), ku vlera e xhiros minimale vjetore, për te pakten nje nga vitet e periudhes se kerkuar, të jetë në një vlerë jo më të vogël se 40% e vlerës së fondit limit të kontratës që prokurohet.

2. Kapaciteti teknik:

2.1 Operatori ekonomik duhet të paraqesë dëshmi për furnizimet e mëparshme të ngjashme, të kryera gjatë tre viteve të fundit nga data e shpalljes së njoftimit të kontratës, në një vlerë jo më të vogël se 20 % nga vlera e përlogaritur e fondit të limit të kësaj kontrate.

Për të vërtetuar përvojën e mëparshme të ngjashme, operatorët ekonomikë duhet të paraqesin dëshmitë e mëposhtme:

- Si dëshmi për përvojën e mëparshme kërkohen **vërtetime** të lëshuara nga një ent publik ose **fatura tatimore** të shitjes, ku shënohen datat, shumat dhe sasi të furnizimeve të realizuara. Faturat të jenë të deklaruara në organet tatimore.
- Në rastin e përvojës së mëparshme të realizuar me sektorin privat, si dëshmi pranohen vetëm **fatura tatimore** të shitjes, ku shënohen datat, shumat dhe sasi të furnizimeve të realizuara. Faturat të jenë të deklaruara në organet tatimore.

Argumentimi: Kërkesa e mësipërme është përcaktuar bazuar në nenin 77 të ligjit nr. 162, datë 23.12.2020 “Për prokurimin publik”, nenit 40/4, dhe 55/4/b, të VKM nr. 285, datë 19.05.2021 “Për miratimin e rregullave të prokurimit publik” i ndryshuar. Me anë të këtij kriteri kërkohet që operatorët ekonomikë të dëshmojnë që kanë përvojën e nevojshme për të zbatuar kontratën, prandaj është kërkuar që shërbimet e mëparshme të përcaktuara të ngjashme të jenë në vlerën me vlerë të madhe ose baraz me 40 % të vlerës së fondit limit, që është brenda vlerës kufi të përcaktuar në nenin e sipërcituar.

Përcaktimi i vlerës së kërkuar për kontratat e ngjashme argumentohet si më poshtë:

Duke marrë në konsideratë llojin e shërbimit objekt procedure prokurimi, është menduar se vlera e kërkuar që OE ofertues të ketë bërë me kontrata të ngjashme, të jetë me vlerë të madhe ose baraz me 40 % të vlerës së fondit. Në këtë mënyrë, AK ka sigurinë dhe besueshmërinë që OE ofertues mund të realizojë kontratën objekt prokurimi pa patur pengesa të ndryshme që do të ndikonin në ekurinë e punës së AK.

2.2 Operatori ekonomik duhet të jetë i certifikuar sipas:

- ISO 9001:2015 për menaxhimin e cilësisë; ose ekuivalente
- ISO/IEC 20000-1:2011 për menaxhimin e shërbimeve; ose ekuivalente
- ISO 27001:2013 për menaxhimin e sigurisë së informacionit ; ose ekuivalente

Në rastin e bashkimit të operatorëve ekonomik, sipas nenit 88 të VKM-285 datë 19.05.2021, secili operator ekonomik duhet të dorëzojë certifikata ISO sipas zërave të punëve/mallrave/shërbimeve që do të marrë përsipër të realizoj sipas akt-marrëveshjes paraprake.

Argumentimi: Në lidhje me kërkesën që OE ofertues duhet të jetë i pajisur dhe të paraqesë certifikatat e standarteve ISO, është menduar se ky është një kriter i domosdoshëm për natyrën dhe vlerën e kontratës si dhe në propozicion me të, me qëllim garantimin e realizimit në kohë, me sukses dhe me cilësi sipas standarteve ndërkombëtare të objektit të kontratës.

Certifikata për sistemin e menaxhimit të cilësisë ISO 9001: është sot referimi i njohur në nivel ndërkombëtar, për certifikimin e sistemit të menaxhimit të cilësisë të kompanive të të gjithë sektoreve dhe të gjithë permasave. Është e nevojshme si kriter kualifikues pasi lidhet me natyrën dhe vlerën e kontratës, me qëllim për të vërtetuar dhe të garantojë realizimin në kohë, me sukses dhe me cilësi sipas standarteve ndërkombëtare të objektit të kontratës.

Certifikata për menaxhimin e shërbimeve ISO/IEC 20000-1:2011- Ky standard është i nevojshëm për të specifikuar kërkesat për krijimin, zbatimin, mirëmbajtjen dhe përmirësimin e vazhdueshëm të një sistemi të menaxhimit të shërbimit. Ky sistem mbështet menaxhimin e ciklit jetësor të shërbimit, duke përfshirë planifikimin, projektimin, tranzicionin, shpërndarjen dhe përmirësimin e shërbimeve, të cilat përbushin kërkesat e dakorduara dhe japin vlerë për konsumatorët, përdoruesit dhe organizatën që ofron shërbime. Ky standard u jep kompanive

mundësinë të demonstrojnë aftësitë profesionale të tyre në zbatimin e projekteve të teknologjisë së informacionit.

Certifikata e menaxhimit të sigurisë së informacionit ISO 27001: është e nevojshme pasi përcakton kërkesat për një sistem menaxhimi të sigurisë së informacionit. Për shkak të rëndësisë së veçantë që ka AK në Republikën e Shqipërisë, posaçërisht në sistemin elektro-energjetik, gjykohej se informacioni duhet mbrojtur dhe Kontraktori objekt procedure prokurimi, duhet të nderhyjë në sistemin e brendshëm të AK. Certifikimi sipas kësaj kategorie konfirmon ekzistencën dhe funksionimin e kontrolleve të OE ofertues dhe i jep sigurinë e nevojshme AK.

AK duhet të marrë çdo masë të nevojshme për parandalimin dhe mos cenimin e veprimtarisë së saj, ku për shkak të moscertifikimit të duhur të kontraktoreve, AK duhet të pezullojë ose të vonojë veprimtarinë e saj, duke shkaktuar një dem të madh në sistemin elektro energjetik shqiptar, ku është edhe objekti i saj kryesor.

Kërkesa në lidhje me këto certifikata është në përputhje me nenin 44, të VKM Nr. 285, datë 19.05.2021 “Për miratimin e rregullave të prokurimit publik” i ndryshuar, dhe nenin 79, të Ligjit Nr. 162, datë 23.12.2020 “Për prokurimin publik”.

2.3 Operatori ekonomik duhet të ketë në stafin e tij të paktën **2 (dy)** punonjës të certifikuar për zgjidhjen që do të ofrohet. Punonjësit duhet të jenë të kombinuar si më poshtë:

- Të paktën 1 (një) punonjës të certifikuar në PMP/Prince2 ose ekuivalent në nivelin profesional për menaxhimin e projekteve.

Argumentimi: Certifikimi në PMP/Prince2 ose një standard ekuivalent tregon se punonjësi ka njohuri të thella de një nivel të lartë kompetencash në menaxhimin e projekteve. Kjo përfshin aftësinë për të planifikuar, organizuar, kontrolluar dhe udhëhequr projekte në mënyrë efektive. Me një punonjës të certifikuar në menaxhimin e projekteve, ka më shumë siguri se projekti do të menaxhohet me sukses de do të përmbushë synimet e tij.

Certifikimet e njohura në fushën e PMP/Prince2 vërtetojnë që punonjësi ka përvojë dhe njohuri të verifikuara për të përballuar sfidat e projektit.

- Të paktën 1 (një) punonjës të certifikuar për platformat Microsoft (Microsoft 365, Server, Azure, etc.)

Argumentimi: Punonjësi i certifikuar në këto platforma është në gjendje të integrojë dhe të bashkëpunojë me sukses me produkteve të ndryshme të Microsoft. Kjo mund të përfshijë integrimin e shërbimeve të cloud (Azure), migrimin e sistemeve (Server), dhe përdorimin e mjetëve të bashkëpunimit (Microsoft 365) për të përmirësuar produktivitetin dhe efikasitetin e organizatës. Ka njohuri të thella për praktikën e sigurisë dhe menaxhimit të rrezikut. Kjo përfshin mbrojtjen nga kërcënimet e sigurisë, backup dhe recovery efektiv, si dhe planifikimin dhe zbatimin e masave të sigurisë të duhura për të minimizuar rreziqet dhe ndërprerjet potenciale.

Për secilin prej tyre të dorëzohen certifikatat përkatëse. Certifikatat të cilave u ka kaluar afati i vlefshmërisë janë objekt skualifikimi.

Kërkesa për punonjësit e sipërpërmendur është në përputhje dhe e lidhur ngushtë me objektin e kontratës dhe me aftësitë zbatuese të ofertuesit. Ky kriter respekton parimin e mosdiskriminimit

dhe është kërkesë e mundur të plotësohet nga cdo OE që ka në objektin e tij tregtar këtë natyrë aktiviteti. Kjo kërkesë për kualifikimin e nevojshëm profesionale është në përputhje me Nenin 41, pika 4, të VKM-së Nr. 285, datë 19.05.2021 “Për miratimin e rregullave të prokurimit publik” i ndryshuar dhe nenin 77, pika 4, të Ligjit Nr. 162, datë 23.12.2020 “Për prokurimin publik”.

- 2.4** Operatori ekonomik duhet të jetë i autorizuar nga prodhuesi i licensave të kërkuara për shitjen dhe suportin për territorin e Republikës së Shqipërisë (të dorëzojë MAF përkatës). Autorizimi duhet të jetë i dedikuar për objektin e prokurimit dhe të përmbajë kontaktet e nevojshme (emër, email, telefon) për të verifikuar autenticitetin e tij.

Argumentimi: Autorizimi i prodhuesit është një dokument i rëndësishëm, pasi përveçse tregon origjinën e produktit që kërkohet në procedurë, na garanton se ofertuesi është i autorizuar për ofrimin tek AK të tyre. Kjo garanci lidhet njëkohësisht edhe me treguesit cilësorë të produkteve objekt shërbimi e që janë krijuar në standardet apo prodhues të zyrtarizuar. Ky kriter është jodiskriminues, është në përputhje me natyrën dhe përmasat e kontratës dhe lidhet drejtpërdrejtë me aftësitë organizative, reputacionin dhe besueshmërinë e OE ofertues për aftësitë teknike. Kjo kërkesë i shërben autoritetit kontraktor për njohjen e mundësisë së OE-se për përmbushjen me sukses të kontratës. Ky kriter është në përputhje me nenin 77, pika 4, të Ligjit Nr. 162, datë 23.12.2020 “Për prokurimin publik” dhe nenin 41, të VKM Nr. 285, datë 19.05.2021 “Për miratimin e rregullave të prokurimit publik” i ndryshuar.

- 2.5** Punonjësit e çertifikuar duhet të garantojnë që do të dedikohen për objektin e këtij prokurimi pranë Autoritetit Kontraktor dhe Operatori Ekonomik duhet të vërtetojë që i ka të punësuar prej një periudhe të paktën 6 mujore nga data e dorëzimit të ofertës duke paraqitur kontratat e punësimit dhe vërtetimet përkatëse për pagesën e kontributeve të sigurimeve për secilin prej punonjësve.

Argumentimi: Sistemet pjese e kesaj procedure duke qene se jane sisteme teper te rendesishme per vijueshmerine e punes ne APD si edhe lidhen direkt me sigurine e APD, kerkohet qe OE te kete ne stafin e tij punonjes me eksperience dhe te kualifikuar per keto .

Të gjitha dokumentet duhet të jenë origjinale ose kopje të noterizuara.

Rastet e mosparaqitjes së një dokumenti, ose dokumente false dhe të pasakta, konsiderohen kushte për skualifikim.

KOMISIONI: